

Script of Morning Gojri News Bulletin 26 June 2026 at 1015 Hrs

مارننگ گو جری نیوز بلیٹن مورخہ 26 جون 2026

یوہ آکا شوانی جموں ہے باغ علی طاہرتیں خبر سُنو۔

Shah NCB

مرکزی وزیر داخلہ امت شاہ آج نویں دہلی ماہہ منشیات رابطہ مرکز، این سی او آر ڈی غی ایک اعلیٰ سطحی میٹنگ غی صدارت کریں گا۔ یاه میٹنگ منشیات کنٹرول بیورو۔ این سی بی غی طرفوں منعقد کرائی جا رہی ہے، جس ماہہ مرکزی وزارتوں، ریاستی حکومتوں تے منشیات مخالف قانون نافذ کرن آلی ایجنسیاں غا نمائندہ شرکت کر رہیا ہیں۔ میٹنگ غے دوران مُلک پھر ماہہ منشیات غا کاروبار تے اس غا استعمال غی بدعت غے خلاف لڑائی غی کوششاں نانہ مضبوط بنان بارے معاملات غو جائزو لیو جائے گو۔ وزیر داخلہ اس موقع ور منشیات کنٹرول 2026 تیں 2029 توڑی غا عنوان ور مستقبل غی منصوبہ بندی ور مینی ایک دستاویز جاری کریں گا۔ یاه دستاویز بکھ بکھ فریقوں بشکار جامع صلاح مشورہ غے بعد تیار کی گئی ہے۔ وزیر داخلہ اس موقع ور این سی بی غی سال 2025 غی سالانہ رپورٹ جاری کیا جان تیں علاوہ جموں تے گواہٹی ماہہ نواں تعمیر کیا گیا این سی بی غا زونل دفتران غو افتتاح وی کریں گا۔

NCO JK

بھارت سرکار نے جموں کشمیر واسطے کھیڈاں غا ضمہ ماہہ اقومی امتیازی مرکز قائم کیا جان نانہ منظوری دے دتی ہے۔ یوہ مجوزہ مرکز کشمیر ماہہ تیار کیو جائے گو، جس نال جموں کشمیر نانہ او نچا ترین مقام غی کھیڈاں، پیشہ وارانہ کھلاڑی تیار کرن غا موقع میسر کران، اعلیٰ درجہ غی کھیڈاں غی سائینس، تے عالمی درجہ غو تربیتی ڈھانچو مہیا کرا غے ایک خاص کھیڈ مقام غا طور ور ترقی دین ماہہ مدد مل سکے گی۔ اس موقع ور لیفٹنٹ گورنر منوج سنہا نے وزیر اعظم نریندر مو دی تے نوجوانان غا معاملات اور کھیڈاں بارے مرکزی وزیر ڈاکٹر من سکھ مانڈویا غو اس تاریخی پروجیکٹ غی منظوری غی خاطر شکریو ادا کیو ہے۔ نوجوانان غی خدمت تے کھیڈاں بارے محکمہ غا وزیر ستیش شرم نے وی این سی او غی منظوری غی خاطر مرکزی سرکار غو شکریو ادا کیو ہے۔

J&K Zero Tolerance Policy

لیفٹنٹ گورنر منوج سنہا نے زور دیتاں واں کہیو ہے جے شری امر ناتھ جی یا ترہ سال 2026 غے دوران کسے وی انتظامی غفلت نانہ قطعی طور ور برداشت نہیں کیو جائے گو۔ ضلع اننت ناگ غا پہلگام ماہہ ایک اعلیٰ سطحی میٹنگ غی صدارت کرتاں واں انہاں نے سالانہ امر ناتھ یا ترہ بارے تیاریاں غو جائزو لیو۔ لیفٹنٹ گورنر نے اس یا ترہ نانہ یا تریاں واسطے یا دگار بنان غی خاطر حفاظتی بندو بست، ہنگامی انتظامات تے دوجا اہم اقدامات یقینی بنان غی خاطر ایک مربوط تے جامع حکمت عملی اپنان غی ضرورت ور زور پایو، بعد ماہہ انہاں نے ننون بنیا دی کیمپ غو سینئر عہدیداراں غے ہمراہ دورو لا غے زمینی سطح ور شری امر ناتھ یا ترہ غا سلسلہ ماہہ کیا جان آلا اقدامات گو معائنو وی کیو۔ واضع رہ جے سالانہ امر ناتھ یا ترہ آئندہ جو لائی مہینہ غی 3 تاریخ نانہ شروع ہو غے اگست غی 28 تاریخ نانہ اختتام پزیر ہو جائیگی۔

Muharram

آج عاشورہ ءِ مُحرم مُلک غا بکھ بکھ حصاں ماہہ نہایت احترام تے مذہبی عقیدت سنگ منایو جا رہیو ہے۔ یوہ بانی ءِ اسلام حضرت محمدؐ غا نوا سا حضرت امام حسینؑ غی میدان کربلا ماہہ ہوائی شہادت غا واقعہ غی یاد ماہہ منایو جائے، جنہاں نے سچائی۔ راستبازی تے انصاف غی اقدار نانہ بحال رکھن غی خاطر 72 ساتھیوں سمیت اپنی جان غو نذرانو پیش کرتاں واں تاریخ غی ایک عظیم ترین قربانی انجام دے دتی تھی۔ اس موقع ور تازیہ غا جلوس کڈھیا جائے گا، تے ان غی اس عظیم قربانی غا واقعہ نانہ یاد کیا جان غی خاطر مذہبی مجالس وی منعقد کی جائیں گی۔ اس موقع ور حفاظتی بندو بست تگڑا کیا گیا ہیں۔ لیفٹنٹ گورنر منوج سنہا نے یوہ

عاشورہ غا موقع ور حضرت اِما حسین تے کر بلا غا دوجا شہیداں نانہہ خراج عقیدت پیش کرتاں واں اُن غی
اِس عظیم قربانی نانہہ اِنصاف تے سچائی غی خاطر اِک عظیم تے ناقابل فراموش سانحو قرار اِتو ہے ۔

DY CM Review

نائب وزیر اعلیٰ سُریندر چودھری نے کل ضلع راجوری گا سُنڈربنی تے کالاکوٹ علاقاں غا اپنا دورہ غے
دوران بکھ بکھ ترقیاتی سرگرمیاں تے عوامی خدمات غی صورتحال غو جائزو لیو۔ اُنہاں نے موثر طور ور
خدمات مہیا کران تے ترقیاتی پروجیکٹاں غی ولے سیر تکمیل غی ضرورت ور زور پایو، تانجے اِن غو فائدو
زمینی سطح ور لوکاں توڑی پُجان نانہہ یقینی بنايو جا سکے۔

Announcement

آکاشوانی جموں غا علاقائی خیراں غا شعبہ غی طرفوں پہاڑی زبان واسطے عارضی نیوز ریڈر کم م اِترجم (این
آر ٹی) تے اسٹینو پینل غی تشکیل واسطے اہل امیدواراں تیں درخواست منگی گئی ہیں۔ درخواست گزاراں واسطے
جموں کشمیر غو باشندو ہونو ضروری ہے تے اُن غی عمر 21 تیں 50 بہراں غے بشکا رہونی لوڑے۔

این آر ٹی واسطے امیدوار غو کسی تسلیم شدہ یونیورسٹی تیں گریجویٹ ہونو، پہاڑی زبان ور پکڑ مضبوط
رکھنوتے نشریات واسطے عمدہ آواز غو ہونو لازمی ہے۔ جد کہ اسٹینو واسطے امیدوار غو کسی تسلیم شدہ تعلیمی
بورڈ تیں بارہویں جماعت پاس ہونو، پہاڑی زبان ور مہارت رکھنو اور کمپیوٹر ور پہاڑی زبان مانہہ 25 تیں 40
الفاظ فی منٹ غی ٹائپنگ رفتار ہونو لازمی ہے۔

خواہشمند امیدوار اپنی درخواستاں غی ہارڈ کاپی تمام مطلوبہ دستاویزات غے ہمراہ ہیڈ آف نیوز، ریجنل نیوز
یونٹ آکاشوانی پنج تیرتھی جموں پن کوڈ نمبر 180001 میں بزات خُد اتار 19 جولائی 2026 توڑی جمع کرا
سکیں ۔

درخواست غی فیس جنرل زمرہ غا امیدواراں واسطے 355 روپیہ جد کہ ایس سی، ایس ٹی تے او بی سی زمرہ
غا امیدواراں واسطے 265 روپیہ مقرر کی گئی ہے، جس مانہہ 18 فیصد جی ایس ٹی وی شامل ہے۔ فیس پرسار
بھارتی، آل انڈیا ریڈیو جموں غا ایس بی آئی بینک ہری مارکیٹ جموں شاخ غا خاطر نمبر 10582387126
جہڑو ایس بی آئی ہری مارکیٹ مانہہ ہے اُس مانہہ اِن لائن جمع کرا سکیں، جس غو آئی ایف سی کوڈ ہے

SBIN0000657

- فیس آئیگی غی سلپ یاہ سکرین شاٹ غی کاپی درخواست سنگ لانو لازمی ہے جس ور ٹرانزکشن آئی ڈی غو
لکھیو ہونو لازمی ہے ۔ تفصیلی اشتہار تے درخواست فارم آکاشوانی غی ویب سائٹ

www.newsonair.gov.in

غا سامیاں غا سیکشن مانہہ دستیاب ہے۔ مزید معلومات واسطے امیدوار اِن نمبرات ور رابطو کر سکیں یہ نمبر
اِس طرح ہیں۔ 01912546658 یاہ 9697177241۔

اس غے نال ہی خیراں غو یوہ بلیٹن ختم ہوؤ۔